



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ- 50/39

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«26» Դեկտեմբերի 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Հ. Մարգարյանի կողմից 19.10.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 169.16-րդ հոդվածի 6-րդ մասով նախատեսված վարչական իրավախախտում, մասնավորապես՝ անհատ ձեռնարկատեր Էդվարդ Կարապետի Նարգիզյանի կողմից Երևան քաղաքի Մ. Խորենացի փողոցի հ. 24 ՎԻՊ 901 հասցեում գտնվող օբյեկտում, առանց համապատասխան թույլտվության իրականացվել է թանկարժեք մետաղներից պատրաստված իրերի մանրածախ վաճառք, որի վերաբերյալ 08.11.2023 թվականին կազմվել է թիվ Ա-005419 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանն անհատ ձեռնարկատեր Էդվարդ Կարապետի Նարգիզյանի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել վերջինիս Երևանի քաղաքապետարանում կայանալիք նիստի վերաբերյալ ծանուցելու համար, սակայն ծանուցագիրը մինչ օրս չի վերադարձվել, իսկ անհատ ձեռնարկատեր Էդվարդ Կարապետի Նարգիզյանը չի ներկայացել Երևանի քաղաքապետարան, ուստի ղեկավարվելով «Վարչարարության հիմունքների և վարչական վարույթի մասին» օրենքի (հետայսու՝ Օրենք) 49-րդ հոդվածի 1-ին մասի «բ» կետով՝ 08.11.2023 թվականին կազմված թիվ Ա-005419 արձանագրության հիման վրա հարուցված վարչական վարույթը 08.12.2023 թվականի հ. Վ-652 որոշմամբ կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանն անհատ ձեռնարկատեր Էդվարդ Կարապետի Նարգիզյանի մասնակցությունն ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել վերջինիս Երևանի քաղաքապետարանում 26.12.2023 թվականին կայանալիք նիստին ծանուցելու համար:

Հարուցված վարչական վարույթի շրջանակներում 26.12.2023 թվականին գործի քննությանը ներկայացավ և մասնակցեց անհատ ձեռնարկատեր Էդվարդ Կարապետի Նարգիզյանը (անձնագիր՝ AT0606755 տրված 09.12.2020 թվականին 005-ի կողմից): Վերջինս վարչական մարմնին բացատրություն տվեց այն մասին, որ արձանագրությանը կից լուսանկարը վերաբերելի է գործին: Տեղյակ չի ինչպես կատարի վճարումը: Իր

2. Գործի լուծման համար էական նշանակություն ունեցող ապացույցները.

Գործի բնության ընթացքում՝ որպես մեկ համակցություն, հետազոտվեցին արձանագրությունը, անհատ ձեռնարկատիրոջ պետական գրանցման վերաբերյալ տեղեկատվությունը, Երևանի քաղաքապետարանի աշխատակազմի առևտրի և ծառայությունների վարչության աշխատակցի 08.11.2023 թվականի «Արձանագրություն» վերտառությամբ գրությունը, փոստային ծառայության ստացման-հանձնման հետադարձ AL0111904167AM ծանուցագիրը, անհատ ձեռնարկատեր Արտակ Միսակի Գրիգորյանի կողմից տրված բացատրությունները, Հայաստանի Հանրապետության ինտերնետով ծանուցման պաշտոնական «azdara.am» կայքից կատարված քաղվածքները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 19.10.2023 թվականին անհատ ձեռնարկատեր Էդվարդ Կարապետի Նարգիզյանի կողմից Երևան քաղաքի Մ. Խորենացի փողոցի հ. 24 ՎԻՊ ԳՕ1 հասցեում գտնվող օբյեկտում, առանց համապատասխան թույլտվության իրականացվել է թանկարժեք մետաղներից պատրաստված իրերի մանրածախ վաճառք:

Անհատ ձեռնարկատեր Էդվարդ Կարապետի Նարգիզյանի կողմից թույլ է տրվել Օրենսգրքի 169.16-րդ հոդվածի 6-րդ մասով նախատեսված վարչական իրավախախտում:

Հաշվի առնելով անհատ ձեռնարկատեր Էդվարդ Կարապետի Նարգիզյանի կողմից տրված բացատրությունները, և այն հանգամանքը, որ անհատ ձեռնարկատեր Էդվարդ Կարապետի Նարգիզյանի կողմից առաջին անգամ է թույլ տրվել Օրենսգրքի 169.16-րդ հոդվածի 6-րդ մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կատարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությամբ համապատասխան:

Համաձայն «Տեղական ինքնակառավարման մասին» Հայաստանի Հանրապետության օրենքի 45-րդ հոդվածի 1-ին մասի 7-րդ կետի՝ համայնքի ղեկավարն առևտրի և ծառայությունների բնագավառում համայնքի տարածքում տալիս է թանկարժեք մետաղներից պատրաստված իրերի որոշակի վայրում մանրածախ առք ու վաճառքի թույլտվություն:

Օրենսգրքի 169.16-րդ հոդվածի 6-րդ մասի համաձայն՝ առանց թույլտվության համայնքի տարածքում թանկարժեք մետաղներից պատրաստված իրերի մանրածախ առք ու վաճառք իրականացնելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկից մինչև հարյուրնիսնապատիկի չափով:

Սույն մասով նախատեսված խախտումը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի երկուհարյուրապատիկից մինչև երեքհարյուրապատիկի չափով:


Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Ելնելով վերազրույցից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 169.16-րդ հոդվածի 6-րդ մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Էդվարդ Կարապետի Նարգիզյանիի նկատմամբ 08.12.2023 թվականի հ.Վ-652 որոշմամբ կասեցված վարչական վարույթը վերսկսել:
2. Էդվարդ Կարապետի Նարգիզյանիին Օրենսգրքի 169.16-րդ հոդվածի 6-րդ մասով ենթարկել վարչական պատասխանատվության նշանակելով վարչական տույժ 100.000 ՀՀ դրամ գումարի չափով:
3. Նախագգուշացնել Էդվարդ Կարապետի Նարգիզյանիին, որ վարչական տույժի նշանակման օրվանից հետո սույն արարքը կրկին կատարելու դեպքում այն կառաջացնի վարչական տուգանք՝ 200.000-300.000 ՀՀ դրամ գումարի չափով:
4. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:
5. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՐ ՄԱՐՏԻՐՈՍՅԱՆ